

Il pli spert da Fribourg a Mustér

Mustér ei stau liug d'arrivada dil Campiunadi svizzer dad autostop

■ (anr/ac) La dumengia vargada ei Mustér stau liug d'arrivada dil quart Campiunadi svizzer dad autostop. Buca meins che 22 equipas da duas persunas han tschercau la pusseivladad da seser per carrar aschi spert sco pusseivel da Fribourg entochen Mustér. Gudignau la concorrenza ha ina equipa dalla Tschechia. Automobilists sin via en direcziun Mustér che han schau seser persunas che fagevan autostop la sonda vargada han forsa carrau participonts dil quart Campiunadi svizzer dad autostop. Campiunadi dad autostop? Tuts che han munchentau las informaziuns leutier seigi gidau. Gia per la quarta ga ha ei dau in campinadi dad autostop en Svizra e quei la fin dalla jamna vargada. Ils biebin 44 participonts organisai mintgamai en equipas da duas persunas ein serimnai per la partenza la sonda vargada allas 09.30 naven dalla Grande Place a Fribourg. Cuort avon la partenza ein els vegni informai davart il liug d'arrivada, la piazza da campar a Mustér. Gia ordavon han els giu retschert l'informaziun ch'igl equipament da basa da viadi stoppi secumponer dad ina tenda ed in sac da durmir. Gudignau la concorrenza ha la finfinala quella equipa ch'ei arrivada il pli spert a Mustér cun autostop. Ed arrivada sco emprema a Mustér ei l'equipa dalla Tschechia. Els han duvrau per il viadi da Fribourg a Mustér 3 uras e 50 minutas. Tenor las explicaziuns dils organisateurs ei l'equipa victura gia arrivada per autostop naven da Prag al liug da partenza a Fribourg. Ina autra equipa ha saviu seser en in auto naven da Fribourg entochen Mustér. Buca gudignau la concorrenza han els pervia dad ina pusa da caffè. Sulet ina equipa partida a Fribourg ha buca contonschiu Mustér. Els ein stai bloccai a Lucerna. La sonda sera



L'equipa victura dil campinadi dad autostop ha duvrau 3 uras e 50 minutas pil viadi da Fribourg a Mustér.

FOTO SEDRUN/MUSTÉR TURISSEM

silla piazza da campar da Mustér ha ei dau dabia da risdar dallas aventuras ed enconuschientschas da viadi. Plascher dil campinadi dad autostop ha en scadin cass l'organisaziun turistica da Sedrun e Mustér. Sco ella scriva en ina comunicaziun seigien ei satisfats d'haver astgau beneventar ils participonts dil Campiunadi svizzer dad autostop sisum la Surselva. Suenten l'arrivada dallas equipas ei vegniu fatg fiasta e relatau dallas experienzas da viadi den-

ter Fribourg e Mustér. La dumengia ein ils victurs dalla concorrenza da viagar via autostop vegni undrai. Contribuiu a quella undraziun ha era la Lia Rumantscha denter auter cun porscher diversas informaziun davart la Rumantschia. Inaga perquei che la concorrenza dad autostop ha eligiu in liug d'arrivada en tiara romontscha e pigl auter gioga il lungatg romontsch ina certa rolla en in filmet da promoziun per il campinadi dad autostop.

Sminuiur ils pregiudezis enviers autostop

Davos il campinadi dad autostop stat ina uniun s'establa igl atun 2014 e naschida ord il ravugl digl'emprem campinadi dad autostop dil medem onn. A quei'emprem campinadi ein quater equipas separticipadas, in onn pli tard gia 13 al secund campinadi. L'idea dil campinadi ei da promover ina migeivla moda da viagar e dad'emprender d'enconuscher autra glieud sin via dad A entochen B. Promo-

ver ina moda da viagar ch'era probabla-mein pli derasada avon 30 onns. Piers empau dalla attractivitat ha igl autostop era pervia da pregiudezis enviers ina moda da viagar resentida magari sco prigulusa. Pregiudezis als quals l'uniun vul prevegnir. Ella organisescha buca sulet il campinadi dad autostop, mobein derasa sur sia pagina online divers tips co sedrizzar il meglier per anflar automobilistas ed automobilists prompts da schar seser persunas jastras che tscherchan ina pusseivladad da carrar.

La suletta en Surselva

18avla concorrenza da cavalcar a Flond

■ (anr/abc) Sonda e dumengia vargada ha Fabien Walder envidau a Flond alla concorrenza da siglir. Varga 70 cavalcdras e cavalcaders ein separticipai. Ei seigi stau ina buna concorrenza. Da principi eis ei stau mintg'onn gliez dapi che Fabien Walder ha entschiet ad organisar quella. Entschiet ha quei igl onn 1999. Lu ha el envidau per l'emprema gada ad in turnier da siglir. La scola da cavalcar haveva el fundau dus onns avon. Uonn festivescha quella il 20avel anniversari. La concorrenza da siglir a Flond han ils amatur dil cavalcar e da cavals puspei gudiu. Ed els han ludau specialmein las bunas relaziuns dil terren. Ei seigi mai stau aschi bunas relaziuns sco uonn, conferma igl organisatur. Varga 70 cavalcdras e cavalcaders ein stai a Flond sil medem plaz sco adina. Leu havevan ils experts Roger Wachter e Markus Ackermann mess si in percuors pretensius per las 12 concorrenzas cun giudicament che han giu liug la sonda e dumengia. Vitier ha ei dau in examen liber da divertiment per equipas. Sco president dalla giuria ei Ulrich Hartmann da Cuera staus en funcziun. Il turnier da Flond ei il sulet che ha liug questa stad en Surselva. El gauda in bien num en cercchels dil sport da cavalcar, perquei separticipescha era mintg'onn glieud dall'entira Svizra orientala. Indigens, vul gir participontas e participonts dalla regiun, han ins buca viu biars uonn. Tut che ha gudiu l'atmosfera cul ed entuorn il cavagl ed il sport da cavalcar. Las bunas relaziuns a Flond han motivau cavalcdras e cavalcaders cun brevet da s'annunziar pil turnier digl onn proxim. L'aura ei stada ideala, malgrad ch'in urezi dalla dumengia suentermiezi ha spuentau biars visitaders.

Resultats dallas concorrenzas
Premi Heinecken Switzerland:
1. Candrian Ladina, Oberglatt, sin cavagl Luxus II; 2. Bur Sereina, Malans, Elvaro; 3. Meier Selina, Winden, Carrie III; 4. Gobbi Francesco, Verscio, Zigan III; 5. Vago Vanessa, Bellinzona, Chevra Flying.
Premi CayZe:
1. Bur Sereina, Malans, Elvaro; 2. Vago Vanessa, Bellinzona, Chevra Flying; 3. Bischofberger Jen

nifer, Lachen, Cassino V; 4. Meier Selina, Winden, Quindy; 5. Eggenberger Kurt, Landquart, Honesse van t Krenhof.
Premi Swisso
1. Candrian Ladina, Oberglatt, Laurus S; 2. Zindel Andreas, Maienfeld, Glory Night; 3. Danielli Pasqualina, Pfäffikon, Chocolate Chip; 4. Gobbi Francesco, Verscio, Athos; 5. Ronchi Tamara, Sementina, Denver.

Premi Leo Casanova Sursaisa:
1. Zindel Andreas, Maiavilla, Glory Night; 2. von Gunten Judith, Tavau Frauenkirch, Kira; 3. Candrian Ladina, Oberglatt, Laurus; 4. Gobbi Francesco, Verscio, Athos; 5. Vago Vanessa, Bellinzona, Sonaco.
Premi Marcel Cadalbert Glion
1. Steiger Tabea, Romanshorn, Tiramisu; 2. Böni Tatjana, Glattfelden, Ferrari; 3. Keller Natascha, Schönenberg/Thur.



In dils teams durant ina dallas concorrenzas.

MAD

Premi Verzinkerei Wollerau
1. Meier Michaela, Winden, Fargo; 2. Meier Rebecca, Watt, Luna; 3. Bischofberger Evelyn, Lachen, Hancock; 4. Foser Andreas, Balzers, Goldplay; 5. Bischofberger Cornel, Lachen, Lord Capitol; 6. Coray Elea Michelle, Ruschein, Corazon; 7. Meyer Angelika, Flond, Chivas; 8. Coray Lara Alessandra, Ruschein, Don Cayenne.
Premi Animà pratica da veterinaris Glion
1. Altamura Sandra, Maiavilla, Rubinia vom Chrattenbach; 2. Coray Lara Alessandra, Ruschein, Don Cayenne; 3. Keller Natascha, Schönenberg a.d. Thur, Goldana; 4. Steiger Tabea, Romanshorn, Tiramisu; 5. Böni Tatjana, Glattfelden, Ferrari.
Premi Bianchi AG+Felix Bühler Bogn Ragaz
1. Meier Michaela, Winden, Fargo; 2. Foser Andreas, Balzers, Goldplay; 3. Bischofberger Evelyn, Lachen, Hancock; 4. Cambell Celestine, Glattfelden, Coester; 5. Beck Anna, Sevelen, Killychoice; 6. Meier Angelika, Flond, Chivas; 7. Coray Elea Michelle, Ruschein, Corazon.
Premi Pierdesportanlage Haron, Wollerau
1. Altamura Sandra, Maiavilla, Rubinia vom Chrattenbach; 2. Coray Lara Alessandra, Ruschein, Don Cayenne; 3. Hitz Sabrina, Widnau, Hidalgo; 4. Keller Natascha, Schönenberg a.d. Thur, Arcos; 5. Halbheer Aline, Claustra, Del Dafrey; 6. Hunger Gerda, Cuera, Leroy.
Premi Klee Reitshops&Sattlerei, Berneck
1. Bischofberger Evelyn, Lachen, Hancock; 2. Moser Katja, Au, Larissa; 3. Campbell Celestine, Glattfelden, Coester; 4. Beck Anna, Sevelen, Killychoice; 5. Meier Michaela, Winden, Fargo; 6. plinavon 8. Coray Elea Michelle, Ruschein, Corazon.
Premi GraubündenSport
1. Zindel Andreas, Maiavilla, Genius v. Vichenstein; 2. Bur Sereina, Malans, Elvaro; 3. Müller Valentina, Oberuzwil, Casarino; 4. Candrian Ladina, Oberglatt, Luxus; 5. Meier Selina, Winden, Carrie.
Premi huuf.ch Andreas Weishaupt Vilters
1. Ronchi Tamara, Sementina, Denver; 2. Danielli Pasqualina, Pfäffikon, Chocolate Chip; 3. Zindel Andreas, Maiavilla, Genius v. Wichenstein; 4. Gobbi Francesco, Verscio, Athos; 5. Candrian Ladina, Oberglatt, Laurus.